

民國江南水利志

壬戌秋九月


田率署



地 71262

162

部 三 二



民國江南水利志卷二

財用

疏濬隄防惟農田故稅畝給用疇曰不宜顧歛之患其不均也用之懼其或濫也則夫先事之籌量臨事之鈐鍵已事之綜覈詎可忽歟采輯排比庶資攷鏡而民力之弗勝補助之不可以已亦於此覘之矣
委員陳恩梓爲奉委代表竣事報請核轉詳文

附說明書

爲濱湖八縣帶徵水利費本年爲始詳文 并批
巡按使據財政廳詳水利用款不得任意挪墊由批

民國江南水利志

卷二

一

省公署爲帶徵水利經費由部專案呈奉批准恭錄行

知飭文

附部呈

爲遵議保管帶徵費辦法會詳文

附黃元蕊等原稟

爲遵批議復請嚴飭交替務解現銀詳文 并批

省公署爲宜興等七縣自本年上忙起帶徵飭文

爲遵飭召集議決籌補寶山塘工費會詳文

巡按使呈大總統文

爲常熟等縣海塘費俟勘估另議繼續帶徵會詳文

爲寶山海塘危難情形詳文

爲寶山塘工請欸會詳文

省公署爲省議會可決追認帶征水利經費案訓令文
附交議原案

省公署爲海塘公款省議會議決案訓令文

爲遵議甯屬畝捐劃歸水利帶征方法呈文
并指令

附議員俞仁愈提議原案

附議員張倚提議原案

省公署爲部咨海塘工費仍照前議訓令文
省公署爲截留甯通畝捐部復照准訓令文

民國江南水利志

卷二

二

爲奉准截留畝捐何年爲始請示呈文

財政廳爲省公署指令已呈復畝捐五年三月起咨文
訓令江甯等二十八縣知事文

爲申明定章訓令各縣知事文

爲請於七年度國家預算編列海塘工費三十萬圓呈
文

爲前清鎮江關提存各典運河專欸請江南北各半提
用會呈文

爲遵勘寶山海塘請先編入預算會呈文

爲會勘各縣海塘懇先請撥六十萬圓修築危急各工

仍自八年度起編列國家預算三十萬圓聯銜呈覆
文

委勘四邑塘工存記道尹田庚呈復文

爲寶山塘工雜用計算書呈文

附摺

爲擬仿江北治運成案附收貨捐二成撥充水利經費
請咨省議會呈文

附財政廳咨文一

附財政廳咨文二

爲海塘經費就地難籌再懇轉呈先撥急險工費餘分

民國江南水利志

卷二

三

五年撥修聯銜呈復文

爲海塘急險工費懇再咨部如數發現呈文

水利經費之統計

海塘經費之統計

吳江水利委員陳恩梓詳江南水利局爲奉委代表說明
帶征水利經費竣事報請核轉文

詳爲代表前赴各縣說明帶征水利經費現已一律接洽
請爲鑒核轉詳備案事竊委員前奉江蘇巡按使飭開查
籌辦蘇松太三屬水利前議於河流經過各縣每畝帶征
水利經費三分從本年下忙實行業經飭令各縣召紳集

議在案乃察閱各縣詳報之文參差不一或請核減原數或請改期實行甚有以爲煩苛剝削請予免征者尤於帶征本意大相刺謬蓋此項經費取之於民者仍還之於民取於民者極微利於民者奚止十倍百倍本與他項捐稅截然不同且畝捐僅只兩年又係參照從前成案辦理不應稍持異議惟原其故良以水利之關繫與此次之計畫各縣紳民或尙未了澈生此誤會無怪其然昨經飭令各縣推舉代表另擇適中地點開聯合會議又恐與會各員意見紛歧莫衷一是甚或堅持成見以是爲非則此議一日不決卽河工一日不能進行必須遴選通達治體之員

前往接洽俾各縣曉然於大利之所在乃不至啟無謂之爭持查該員現正籌辦吳江水利於此事素有研究合特飭委該員爲本公署會議代表飭到卽便前赴各縣召集士紳詳說利害俟議有眉目再開聯合會議庶可歸於一致至武進盛氏捐款二十萬元前次開浚白茆已用去十三萬元而常熟全縣帶征之款及籌辦開挖攔門沙經費一縣負擔已在十萬以外故此次畝捐不令再攤其餘七萬元現撥太倉瀏河六萬元吳江浪打穿一萬元亦係暫行墊撥帶征經費收足時此七萬元仍當陸續歸還再按照各縣分別均攤該員務將此案情形詳細報告以釋羣

疑而泯爭端除分飭各縣外仰卽遵照等因奉此委員遵於九月初十日由吳江起程前赴太倉嘉定寶山上海青浦折至崑山吳縣每至一縣卽會同知事召集本地士紳將興修水利帶征經費之必要開誠布公反覆申告所集各縣士紳均能曉然於水利關繫之重要樂觀厥成無有異議其有所居僻遠一時未能召集者當由委員擬就說明書交各該縣知事代爲分布現已一律竣事所有奉委代表前赴各縣說明帶征水利經費緣由理合備文連同說明書隨文申復伏候鑒核並請轉詳江蘇巡按使備案謹詳民國三年十月十日

民國江南水利志

卷二

五

說明書

江南古稱水鄉水治則田治田治而食自足水不治則農病而民亦困故欲救蘇民之困莫急於治水利數十年來水政不修河流淤淺溝洫不通偶遇水旱蓄洩無方民生重困以近三年之事言之如辛亥之災潮水泛溢農田被淹闢荒搶米之案層見叠出我民之所損失何止千萬至今思之猶有餘痛卽辛亥以前雨水稍多低田告歉亦無歲無之又如今夏之亢旱溝渠絕流田疇龜坼雖幸天心悔禍未至成災然在當時米價飛漲人心皇皇已有不可終日之勢韓前省長有見於此深

維蘇民受困之由特將蘇松常太田賦之重人民擔負之艱陳之政府請照現在所定銀米折征之數作爲常額永遠不再加增既奉部議核准又思所以爲我民規畫百年之計以造無窮之福大興水利以溉農田綜全局以統籌合上下游而並治疎其壅塞通其湮滯開其來源導其去路務使蘇屬各田長享灌溉之利而免淹沒之患惟是工大費鉅公家財政正極困難而地方增稅亦已支配無餘不得不援照歷屆辦理河工成案爲按畝帶征之舉現擬就應沾水利之縣每畝帶征洋銀三分以二年爲度各縣明達士紳業已多數贊成且莫

不歡欣鼓舞引領以望大功之成省長猶恐有一二鄉民未悉此中原委一聞帶征之令胥動浮言而妄生揣測者特委不才代表到此與我父老兄弟相見以誠說明其故蓋此項帶征經費純爲自保其農田起見以取之於數縣之民者仍還之於數縣之民一切利權無絲毫之外溢其性質與別種捐稅截然不同且每畝僅捐三分合錢不過四十文其數至微又所征只有兩年爲期亦至短抽地方之財興地方之利爲人民應有之擔負中外古今初無二致况乎所捐少而所利溥故從前蘇省濬河築塘經費悉取之於帶徵往往不與民謀而

民無怨懟上年常熟開濬白茆該縣士紳首自倡議開辦畝捐集款至十餘萬誠以有田之家偶值暘雨不時多僱一夫戽一日水所費已需數百文今捐數十文之費但使溝洫稍通一年中少僱一戽水之夫所得已有十倍之利况在水利既興之後湖水暢流澇有所洩旱有所資可以永無歉收之日其利豈徒十倍而已哉夫惜小費而遺大利知者所不爲坐視同室之困窮而莫之救仁者所不忍諸君子關懷桑梓其抱熱忱諒必能鑒此愚誠不以鄙言爲河漢之無極也至於將來保管銀錢之法施工先後之序自應會議以集眾益現奉省

長呈准大總統特派前政務廳長徐總辦江南水利設專局於蘇州應以蘇州爲會議地點一俟定有日期再行奉告尙望屆期每縣各推一二人惠然肯來戮力同心共襄此舉早觀厥成本代表無任歡迎焉

江蘇巡按使據財政廳詳水利用款不得任意挪墊由批詳悉嗣後水利工程款項先由江南水利局核轉再行飭廳籌撥以杜地方印委擅動國帑之弊辦法甚是自應飭局照辦惟查海塘工程前經飭委朱汪兩委員分別籌辦並撥經費銀一萬元太寶各半專備搶險之用嗣因此項工需不敷甚鉅續撥銀二萬圓發交各該委員承領並於

寶山縣知事詳請大修案暨各該印委會詳塘工出險案內分別批飭如再不敷出地方存餘公款不論何項先行挪用業經本使於九月二十日飭知該廳遵照在案蓋搶護塘險與尋常工程有別苟款不應手隄身潰決關係民命至重應予變通辦理該印委等前次溢領銀五千圓係遵飭挪用非擅動國帑可比現在海塘搶險經費十萬圓已由財政部核准太寶塘工溢領之款應卽於部准經費內劃還以符定案除飭知外仰卽知照此批民國三年十月

江南水利局總辦徐壽茲詳江蘇巡按使爲請分飭濱湖

民國江南水利志

卷二

八

八縣帶征水利經費本年爲始文

爲詳請分飭濱湖八縣實行帶征水利經費而策進行事竊查江蘇歷屆辦理河工成案經費所出皆行按田攤征之法誠以此法輕而易舉行之最爲有利而無弊是以總辦前在實業司長任內奉令籌畫本省水利卽經酌擬畝捐辦法並經聲明畝捐之數應俟各縣推舉代表召集會議再定等情在案本年七月經前巡按使韓以各處測勘工程已將次第進行擬就河流經過之縣不分直接間接每畝帶征經費三分飭知各縣知事召集代表到縣會議迅將應攤田畝查明確數擬定年限列表詳復嗣據前吳

江縣知事丁祖蔭條陳請飭應行帶征各縣推舉地方士紳規定地點日期開聯合會議以謀統一等情復經據情飭知各縣亦在案八九月間疊接各縣來文於帶征一事意見頗涉紛歧又經前巡按使韓特派水利委員陳恩梓爲本公署會議代表前赴各縣疎通意見說明利害旋據陳委員報告到局當由總辦分飭吳縣等八縣知事每縣召集代表二人於十月十五日齊集蘇州水利局開聯合會議總辦親自出席各代表等咸知此次興修水利實爲保衛農田至計萬難再緩於帶征經費一事亦無異議惟以近年民力維艱如每畝攤征三分誠恐一時不能堪此

負擔請將原擬每畝三分以二年爲度改爲每畝二分以三年爲度藉可稍紓民力總辦當以分兩年應征之數緩作三年帶征雖於經費毫無出入然設遇工程緊要之時難保無欸不湊手之慮惟民力之艱難亦不能不兼籌並顧既經眾議僉同自未便拘持成見因卽照此議決俟遇青黃不接之際或就地方商借或向省庫挪移屆時再行斟酌詳請辦理查原定應行帶征區域尙有金壇溧陽宜興丹徒丹陽五縣惟該五縣應征經費係專備百瀆以上修濬各河之用本不能與太湖下游各縣所征之費相牽混且今該五縣測量甫經着手動工尙需時日而劉河吳

江等處開工在即一應經費待用孔亟自應先就召集議決各縣實行起征應請飭下吳縣崑山吳江太倉嘉定寶山上海青浦八縣知事自本年爲始各按本縣田數不分東西南北一律每畝帶征水利經費二分以三年爲度或在上下忙帶征或在糧米內帶征應各就地方情形自行酌量辦理惟總須以每畝二分核計隨征隨解俾可無誤要工以副我巡按使嘉惠農民之至意理合詳請鑒核訓示施行再查松江泖湖爲太湖下游洩水要道近亦淤淺日甚青浦代表以與該縣田畝關係頗鉅甚望早爲疎浚應俟調查確實再議將毗連之華亭金山等縣加入帶征

民國江南水利志

卷二

十

一併辦理合併聲明謹詳民國三年十月二十二日江蘇巡使按公署批據詳已悉案關抽收畝捐仰候分咨財政內務兩部查核見復再行飭遵此批十一月七日

江蘇巡按使公署飭江南水利局爲帶征水利經費由部專案呈奉批准恭錄行知文

爲飭知事案准財政部咨開准咨江蘇吳縣等八縣帶征水利經費一案當經本部專案具呈本年十一月十九日奉大總統批令准如所擬辦理卽由該部轉行遵照此批等因奉此除先行電達外相應恭錄批令並鈔原呈咨行貴使查照辦理可也等因並附鈔原呈到署復准內務部

咨稱查所擬興辦水利經費按畝帶征二分以三年爲度辦法既經眾議僉同事屬可行應予備案惟事關征收開辦之始亟應加意慎重妥訂章程方可以期進行而免流弊相應咨行貴使查照轉飭妥爲辦理並隨時報部備查等因先後准此合行抄錄原呈飭仰該總辦即便轉飭各縣恭錄批令鈔錄原呈出示佈告俾眾週知並將遵辦情形具報候核毋違此飭民國三年十二月十一日

財政部呈文

呈爲蘇省籌備水利經費援用按田攤征成法專案呈明仰祈鈞鑒事准江蘇巡按使齊耀琳咨陳江南各屬

民國江南水利志

卷二

十一

水利前經委任專員設局籌辦呈明大總統暨分咨在案茲據江南水利局總辦徐壽茲詳稱江蘇歷屆辦理河工成案經費皆係按田攤征本年七月前巡按使以各處測勘工程已將次第進行擬就河流經過之縣不分直接間接每畝帶征經費三分以二年爲度飭知各縣集議詳復又經派員前赴各縣疏通意見說明利害旋由吳縣等八縣知事召集各代表於十月十五日齊集蘇州水利局開聯合會議僉以此次興修水利實爲保衛農田至計萬難再緩帶征經費亦無異議惟因民力維艱請將原擬每畝三分以二年爲度改爲每畝二

分以三年爲度眾意僉同照此議決吳縣崑山吳江太倉嘉定寶山上海青浦八縣自本年爲始各按本縣田畝一律每畝帶征水利經費二分以三年爲度或在上忙帶征或在糧米帶征各就地方情形自行酌量辦理金壇溧陽宜興丹徒丹陽五縣應征經費備百瀆以上修濬各河之用測量甫經著手動工尙需時日自應先就召集議決各縣實行起征松江泖湖爲太湖下游洩水要道應俟調查確實再議將毗連之松江金山等縣加入帶征等情據詳咨請查核到部本部查該省爲東南財賦之區國家稅源民間生計根本悉在農業今

因興修水利集議籌備經費援照歷屆按田攤征成案河流經過之縣按全縣田畝每畝帶征二分以三年爲度吳縣等八縣爲太湖下游各河流經過之地首先議決自本年爲始實行帶征自應准予照辦以便及時工作加惠農田此外如開濬百瀆以上各河應將經過之金壇溧陽各縣加入帶征開濬泖湖應將經過之松江金山各縣加入帶征當俟次第施工准其分別照案辦理惟以上各縣均在蘇松常太四舊府屬區域之內前准該省巡按使韓國鈞呈稱該四屬負擔最重所有正附稅請以現在征額爲至多之數不再增加奉大總統

批交本部核議准予備案此次按田攤征水利經費係屬地方公益集議表決征額既輕年期有限與各項附稅不同自與前案不生抵觸理合聲明所有江蘇省籌備水利經費援用按田攤征成法各緣由謹專案呈明伏乞大總統鈞鑒訓示祇遵謹呈

江蘇財政廳廳長蔣楫熙江南水利局總辦沈佺詳江蘇巡按使爲遵批會議保管帶征水利經費辦法文

爲遵批會議詳復事十二月二十五日奉鈞使第五千四百八十三號飭開案據吳江水利代表會議黃元蕊等稟稱會議保管水利帶征費辦法請予核遵等情前來除批

示據稟已悉此次各縣所抽畝捐係水利專款與他項附稅性質不同保管方法自應及早釐訂以免混淆該代表等所陳各節不爲無見仰候飭行江南水利局會同財政廳尅日核議具復再行飭遵可也此批掛發外合行抄稟飭仰該局會同財政廳將各縣帶征經費存儲地點及保管支用等方法尅日妥議具復以憑核辦等因並抄件到局奉此伏查此項畝捐有關河工要款經征之各知事原未必遽行挪用惟防微杜漸不得不慎之於初茲奉前因廳長總辦悉心察議該代表等所陳各縣征起水利經費隨收隨解以交通江蘇兩銀行爲存儲之所自屬可行第

保管方法固貴周密而稽查征數亦屬要圖擬令各縣知事將逐日帶收之款按旬列摺具報每積至五百元卽須解存指定之銀行不得留存縣署並將正收據送局備查至於支用之方應由縣委詳明鈞使及總辦核准後通知銀行撥付以昭慎重是否有當理合聯銜詳復仰祈鈞鑒批示遵行實爲公便謹詳民國四年一月七日

吳江等八縣水利會議代表黃元蕊等原稟

稟爲會議保管水利帶征費辦法請賜鑒核示遵事竊維蘇屬農田之利係於水政之修治近以年久失修河身淤墊以致荒歉屢見無形之損失動輒以千萬計韓

前省長有鑒於此特飭修浚河道援照成案議定帶征畝捐辦法以地方之財辦地方之事設立專局以綜其成凡屬人民莫不欣然期望早日施工以冀河流通暢水利可興元蕊等前奉水利局召集忝爲水利會議代表所以帶征辦法議定每畝二分以三年爲度逕由水利局專案詳報惟元蕊等竊有進者此次大修水利經費純取諸民與國稅絲毫無所關係款旣出諸於民而各縣之征收銀錢之保管似不可不加之謹慎現在劉河開工在即吳松將次測勘預計明年春夏亦將施工陸續需款爲數頗鉅各縣征起之款在人民無調查催

解之職設有延緩移挪妨礙工程進行不特時日稽遲糜費鉅款抑將喪失民信此不可不顧慮者也應請使座嚴飭帶征各縣凡征起水利經費隨征隨解不得延緩亦不得移作他用元蕊等互相商榷決定以交通江蘇兩銀行爲水利經費存儲之所各縣征起之款逕解該兩銀行存儲一面將所解數目隨時詳報鈎署及水利局備案並將正收據詳解水利局另由水利局刊印月報分送於各縣俾地方曉然於經費之施用與工程之進行如此則上下連絡大信在民與國稅不致混雜工程免致阻滯應請使座通飭帶征各縣知事暨水利

局遵照辦理除稟財政廳長外理合將會議保管水利費緣由備文稟請鑒核示遵實爲公便再此次會議公推元蕊主稿與各代表往返函商取求同意均經蓋章認可合併聲明謹稟具稟人水利會議代表吳江黃元蕊金天翮吳縣吳曾濤崑山李文彩太倉陸國彬嘉定胡光鏞顧瑞上海黃申錫秦錫田青浦支頌堯戴克寬寶山朱治

江蘇財政廳廳長蔣楸熙江南水利局總辦沈佺詳江蘇巡按使爲遵批議復請嚴飭帶徵各縣交替務解現銀文

爲詳復事竊奉鈞使批廳長會同總辦詳復吳江水利代表會議黃元蕊等稟陳保管水利帶征費辦法請示遵由奉批會詳已悉所擬各節尙無不合應卽照准現在徵櫃已啟亟應轉飭經徵各縣切實遵辦卽卽妥擬解款領款憑單暨發通知等式樣送署備案並轉行各縣一體遵照毋稍延誤此批等因奉此伏查此項畝捐經征之濱湖各縣收有成數解存江蘇銀行另款收儲須將銀行之正收據送局查考並由廳按月彙集銀行收數報告使署暨咨局比對以重稽核河工局請領經費應會同縣知事詳明使署職局俟核准後照填請款憑單送局簽名蓋章咨交

本廳填發通知書轉給領用似此收支各分界限既符審計規程又與現行手續相合似可無庸另擬式樣且在使署監督財政本廳考核征收職局鄭重水利稽查均有依據惟廳長總辦之所慮者前詳擬令各縣知事將逐日帶收之款按旬列摺具報每積至五百元卽解銀行不得留存縣署原恐其中或有挪用積微成鉅乃節節催辦應者寥寥前據太倉縣盛知事詳報到任因查該前縣胡知事在任徵數未據報明卽經批飭責成前任須以現銀交解不准歸入交代致滋延宕並已詳明鈞案所有會同擬議情形理合具文詳復伏祈鈞鑒批示遵行並請嚴飭現已

帶徵之吳縣吳江太倉嘉定青浦等五縣各將徵收數目查照廳長總辦所擬按旬開報儘徵儘解遇有交替應由後任查明前任如有徵存未解之欸責令以現銀交解若任其歸入交代卽著落後任賠繳以免懸宕而重工欸實爲公便謹詳民國四年二月十九日 江蘇巡按使批會詳已悉已嚴飭吳縣吳江太倉嘉定青浦等五縣切實遵辦矣餘如所擬辦理仰卽知照此批三月

江蘇巡按使公署飭江南水利局爲宜興等七縣自本年上忙起帶征水利經費文

江蘇巡按使公署飭江南水利局爲飭行事案查上年十

民國江南水利志

卷二

七

一月財政部該議江南各屬帶徵水利經費原呈內開修濬百瀆以上各河應將河流經過之金壇溧陽各縣加入帶徵開濬泖湖應將經過之松江金山各縣加入帶徵當俟次第施工准其分別照案辦理等語呈奉大總統批令照准通飭所屬一體遵辦現屆上忙開徵期近宜興金壇溧陽丹徒丹陽松江金山等縣浚河工程正擬分別舉辦所有帶徵經費既係奉准有案自應切實遵行除甯鎮各屬現正附收二分畝捐丹徒丹陽金壇溧陽等縣應援江北濱河各縣成例先將所收畝捐撥充治河專欸俟河工經費足數後仍歸入畝捐一併辦理咨請內務部財政部

全國水利局查照並分飭遵照外合亟飭仰該總辦即便轉飭所屬一體遵照自本年上忙起照案帶徵水利經費殫力催徵毋稍鬆懈一面將遵辦情形具報候核切切此飭民國四年五月十五日

江蘇財政廳廳長胡翔林江南水利局總辦沈佺詳江蘇巡按使爲遵飭召集議決籌補寶山海塘工費文

爲聯銜詳復事案奉鈞使飭開籌修寶山塘工一案昨經召集該總辦暨財政廳長會議此項工款先就江蘇驗契收入撥濟以應急需一面仍當竭力妥籌藉資抵補業經呈奉大總統批令照准除飭財政廳先於驗契費項下陸

續籌撥以濟工需外合亟抄電飭仰該總辦會同財政廳長迅卽召集各縣紳耆妥議抵補方法並將遵辦情形會詳候核等因奉此

廳長
總辦

查此次會議應召集者爲吳縣常

熟崑山吳江上海松江南匯青浦奉賢金山川沙太倉嘉定寶山等十四縣蘇州地居適中爰卽商定於六月二十日以水利局爲會集地點先期分飭各縣知事遴選地方公正明白之紳耆到局籌商各知事有因公不能離署者得派專員前來茲據各縣官紳同時齊集廳長適有要公不克分身卽派征權科科長倪文德到蘇會議並邀蘇常道殷道尹到局當以寶山塘工年久失修危險萬狀其勢

不可終日利害動與蘇松太各縣相關省長有鑒於斯又
因需款浩繁不及從容籌措故有借撥驗契費之請雖奉
大總統照准而款已抵償外債部庫驟少此宗收入亦有
爲難故飭就地妥籌抵補之法始則擬照部議就各縣地
方附稅內移緩就急該紳耆等以附稅用途支配久定各
縣且多不足每有應辦之事輒因款絀中止無可再議停
緩者方自謀之不暇欲兼顧而未能復以省長蒞寶勘視
時曾諭該縣官紳會商受益各縣籌捐協助擬勸令紳富
輸資期可集腋成裘該紳耆等以一邑中之克稱殷富者
實不數見况有內國公債救國儲金相繼而來在中人之

家悉索已空更無餘力及此不得已而思其次擬援案按
畝攤征該紳耆等以江蘇賦額本重上年加征附稅三角
又將經征費另收民間擔負更重此爲

大部
省長

所知今縱不

言藏富於民亦宜使民有以自給况甫因水利經費帶征
畝捐若再益以塘工民力其何能堪總辦與倪科長幾經
辯論並告以時局艱難所應共體議者又謂人民對於國
家負有納稅義務塘工出險民命財產固受其殃卽爲國
家計賦稅旣無可收且須辦理賑撫其損失必不止修塘
所需之費或將有什倍於今日者體察羣言移挪附稅與
夫勸捐兩事實已無可再商惟援辦畝捐一層似尙有磋

商餘地蓋一年不能任者寬以年限自無不可尤應以各縣擔任工款與否爲先決問題綜計此項工程約其需銀三十五萬元各紳耆始猶觀望繼僅承認少數持論至再甫議分作三成以二成由地方分擔以一成請國家撥濟各縣擔任之數仍照案按畝分攤隨忙隨漕各循其舊現已攤征省有河工經費各縣同時再帶塘工力實不逮議俟河工費帶竣接續分年帶征其並未攤征河工縣分應將此次塘工經費提前分年征解惟常熟縣原有帶征白茆河工等款爲數已多由該縣紳耆聲明按照應攤之數於縣附加稅內分年籌補又查十四縣中獨金山縣屆期

未至第到者已十三縣官紳以取決多數而言該縣自亦不能異議應卽抄案行知遵辦當場一致表決各於議案簽字並將熟田畝數書存備考

廳長
總辦

此次召集會議務在

宣上德而通下情當發言盈庭之時責難紛至瀕於決裂者屢矣仰賴省長誠信久孚乃克收此效果竊以各紳耆所要求者此項修塘公款國家與人民分別擔任良由民生凋敝蓋藏空虛凡此情形久邀大總統洞鑒倘蒙據情上達當可俯如所請但塘工亟待興修地方存典公款無可挪移各縣承認數目亦只可爲抵補之資仍無以濟塘工之急容由廳長照數先行籌撥以應工需緣奉前因所

有遵飭召集各縣紳耆會同議決籌補寶山塘工經費情由相應聯銜詳復伏候鈞使電鑒示遵並請呈明大總統核辦實爲公便再常熟太倉松江三縣海塘工程現出險要各段議由總辦派員勘估另行詳請照案繼續修築合併陳明謹詳民國四年六月二十八日

議決寶山海塘工程經費籌補方法

- 一此次工程約共需三十五萬圓各縣代表議分三成以二成由地方擔認一成請國家撥濟
- 一各縣擔認數目仍照案按畝分攤另單附後
- 一現已帶徵省有河工各縣公議俟河工費帶竣接

續分年帶徵此項海塘經費其並未帶徵省有河工經費各縣應行提前帶徵此項海塘經費

一常熟另有特別帶徵之款由代表聲明在於該縣縣附加稅內自行照應攤之數分年籌補此項海塘經費

一常熟太倉松江三縣海塘工程現出險要各段應卽派員勘估詳請照案繼續修築

吳縣

一百六十萬畝

三萬二千元

常熟

假定一百二十萬畝

二萬四千元

崑山

一百萬畝

二萬元

吳江 一百二十萬畝

二萬四千元

上海 六十七萬畝

一萬三千四百元

松江 假定八十萬畝

一萬六千元

南匯 一百一十萬畝

二萬二千元

青浦 六十五萬畝

一萬三千元

奉賢 五十萬畝

一萬元

金山 假定五十萬畝

一萬元

川沙 二十八萬畝

五千六百元

太倉 七十五萬畝

一萬五千元

嘉定 六十萬畝

一萬二千元

民國江南水利志 卷二

三

寶山 五十五萬畝

一萬一千元

共一千一百四十萬畝

寶山塘工費共三十五萬元照三分之二攤算該銀

一十三萬三千元照每畝銀元二分攤算每年合銀

一十二萬八千元

江蘇巡按使齊耀琳呈大總統籌議寶山塘工經費抵補

方法文

呈為寶山縣塘工經費籌議抵補方法恭呈仰祈鈞鑒事

竊查蘇省寶山縣海塘經費前經財政部議復就本省原

有地方收入移緩就急酌量籌撥等因當以省款支絀委

實無可騰挪而工程險要又難從容籌措擬先就蘇省驗契收入撥濟以應急需一面仍當竭力設籌藉資抵補並派委江南水利局總辦沈佺督修此項工程先後呈奉批准照辦遵經轉飭遵照並將籌款方法召集各縣士紳妥議具復去後茲據財政廳長胡翔林江南水利局總辦沈佺會銜詳稱寶山海塘關係舊蘇松太三屬民田此次設籌經費自應援照成案由吳縣常熟崑山吳江上海松江南匯青浦奉賢金山川沙太倉嘉定寶山等十四縣分認擔負卽以江南水利局爲會集地點先經分飭各縣知事並遴選地方公正士紳屆時一體蒞會再三討論僉以地

方附稅支配淨盡無可挪移現在公債儲金次第舉辦募捐一層亦非易易雖據該紳耆等聲稱江蘇賦額最重加以附稅攤征水利經費負擔已重然塘工緊要舍援案按畝攤征別無善策是以議決將此項塘工經費分作三成以二成由地方擔認按畝分攤一成由國家撥濟作爲補助凡已攤征河工經費各縣一俟河工費帶征告竣卽將海塘工款繼續征收其未征河工費縣分應將塘工費提前征解常熟縣原有帶征白茆河工等款爲數過多塘工應攤之數擬分年另行籌解當場一致表決惟此項工程前經派員勘估分別最險次險計需銀三十萬元有零嗣

因風潮鼓盪東西塘工續有坍塌連前估計工料局用約需銀叁拾伍萬元之譜此次會議分認工款卽照此數核計詳請具呈前來正核辦間復據江南水利局總辦沈佺詳稱寶山東西兩塘自七月二十七八日颶風猛激又有沖損處所極爲危險幸值運料施工之際冒險搶護得免潰決但險工迭出需款更增惟有切實興修期無虛糜等情據此耀琳伏查寶山海塘工繁費鉅茲經官紳籌議此項塘工經費以全額三分之二由寶山等十四縣地方擔認按畝分攤其餘一分由國家撥濟現當民生凋敝蓋藏空虛若令民間全數擔負委實力有未逮旣據雙方定議

民國江南水利志

卷二

三

自係兼顧並籌擬懇大總統俯准照辦飭部立案俾便遵行仍當遵照批准原案先就本省驗契收入陸續動撥俟畝捐收起卽行歸還不敷之款容再設法彌補一面督飭該總辦認真防護趕緊興修以重要工除分咨內務財政兩部暨全國水利局查照外所有籌議寶山縣塘工經費緣由理合具呈伏乞大總統鈞鑒訓示施行謹呈民國

年 月 日

江蘇財政廳廳長胡翔林江南水利局總辦沈佺詳江蘇巡按使爲常熟等縣海塘費俟勘估另議繼續帶征文

爲詳復事奉鈞使批

廳長
總辦

詳復遵飭召集各縣紳耆議決

籌補寶山塘工經費情形請示遵由奉批會詳及議案說明書均悉寶山塘工經費既經召集官紳議決分作三成以二成按畝分攤以一成請國家撥濟應候分別呈咨惟據稱常熟太倉松江三縣海塘現出險要議由該總辦派員勘估另行詳請照案繼續修築其所需經費如何設籌是否卽於前項塘工款內挹注抑俟寶山塘工帶征告竣後再行續征應由廳局核明聲復以憑核辦至金山一縣雖屆期未經到會自應取決多數一致進行惟該縣知事既不親身與會又未遣派代表實屬玩視省飭並由廳局傳知申斥仰江南水利局總辦會同財政廳長分別遵照

辦理此批議案及說明書存查又奉批發寶山縣詳報塘工經費飭據議復於本年上忙提前加截帶收並送串式祈鑒核示遵由奉批詳及串式均悉查寶山塘工經費一案前據該局總辦財政廳會詳批飭會同核復在案據詳前情仰江南水利局會同財政廳併案核議具復再行飭遵並先轉飭該縣知照此批串式存各等因奉此遵查常熟太倉松江三縣海塘現出險要各段前次議由總辦派員勘估詳請照案繼續修築所需經費應俟派員勘估後另案詳請繼續帶征此次工款無可挹注至金山一縣先既屆期未到及經抄案行知亦未具復除照錄批示傳知

申斥外所有寶山縣應征海塘經費從本年上忙起帶收水利塘工同時並舉且移借公款銀六千元先行報解尙屬能知大義力顧要工總辦前據該縣並詳當經批獎一面詳明鈞鑒並咨會廳長在案茲奉前因廳長意見相同理合聯銜詳復伏候鈞使鑒核示遵實爲公便謹詳民國四年七月二十二日

江南水利局總辦沈佺詳江蘇巡按使爲寶山海塘危難情形文

爲詳明事竊總辦仰蒙委任督修寶山縣東西海塘工程原以工艱款絀塘身多年失修危險萬狀已成東修西塌

民國江南水利志

卷二

三

之勢欲完全告成則款需百萬現就危險最甚之處節省勘估屢次裁節約須三十四萬餘元其風災續估八萬餘元尙不在內現值庫儲奇絀固知墊撥維艱第以總辦庸愚尤恐不能勝任前者懇辭未蒙允准仰承溫諭不敢不勉爲其難計自開工以來屢次大風爲災幸未潰決今東西塘搶險以及隨塘河工程均已告竣先後詳請驗收至東西塘正工開辦者六百餘丈椿木一律打齊石方土方尙在工作大約做及八成三月間可以竣工祇以撥款不能應期未能接續興築現在東塘續修二百餘丈均在極險之處倘能早日全數撥濟則年內尙可趕辦竣事否則

拖延時日其餘各段停工待料糜費滋多卽經費亦虞不給今將種種困難情形爲鈞使縷晰陳之查四年由春徂夏先後勘估三次情形已各不同勉分極險次險兩種計東西塘共工長一千七百七十六丈四尺估需工料及雜用等項共約三十四萬餘元卽經詳准請撥驗契款先行墊用照議案公家擔任一成地方擔任二成以帶征畝捐收起歸還此東西塘開辦籌備指撥的款之情形也原議於四年內工款照數發足分頭購料以期一氣呵成庶免此後之坍塌乃因國庫空虛至四年年底財政廳僅撥十七萬元通工料未購齊工程難期迅速且值歐戰影響百

物昂貴卽如鐵價較原估漲至一倍有奇此中損失不可數計此款不應期工程礙難進行之情形也迨上年八月風災之後屢被沖損均爲前估所未及而多有與前估工段犬牙相錯者明知籌款爲難凡可稍緩者棄而不顧其萬不能緩亟須修築之東西塘工共計八百八十餘丈續估一層椿石應增工料連雜用計需銀八萬一千餘元核與前數共需四十二萬餘元節經詳請在案此風災續出險工搏節續估不能不增加工料之情形也海塘情形隨時變遷如原估之次險今因潮勢衝激成爲極險者如原估之極險今因塘脚稍有餘地未見續坍反可暫列次險

者現修工段均隨地勢之緊要不能拘定原估續估之極險次險而分先後如續估之險工雖尙無的款指撥然與原估相銜接不能不同時並舉是原估續估之工祇能連成一氣彼此兼顧此續出工程與原估續估各工不得不變通辦理之情形也欸緹工長財政廳勉力籌墊實已煞費經營乃尙不能應時撥付上年奉飭勘估一再復核原已諸從撙節今自開工以來各工段內如有可照原估畧爲節省者亦均督飭員司從實核減以期節省一分卽可多做一分工程第可省之處無多而續出險工不已正令人目擊心焦不知何日方可完竣此節省原估工程以期

工歸實際之情形也爲今之計惟有仰懇飭知財政廳迅將應找未付工款二十五萬餘元全數墊撥俾得早日購料早日竣工庶險工一律告成風潮自可抵禦倘再遷延時日非特已做之工不能收束其未及動工之處殘缺愈甚岌岌可危且客冬風潮奇大爲向來所未有以致東西塘又被沖損地段甚多一至夏秋大汛怒潮衝激則工程益不可收拾經費益不可以預計此必須請速撥欸趕辦以免後患之情形也以上危難情形總辦日夜思維不知所措惟有據實詳請爵使鑒核俯賜訓示祇遵實爲公便

江蘇財政廳廳長胡翔林江南水利局總辦沈佺詳江蘇
巡按使爲寶山塘工請欵文

爲詳請事奉鈞使批總辦詳陳寶山東西海塘工程待欵
購料種種困難情形懇賜飭廳全數墊撥由奉批詳悉查
寶山塘工經費前據該總辦詳經分別批飭將陳華浜等
處續出險工併案規畫並行財政廳查照墊欵數目寬爲
籌濟藉顧工程在案據詳前情應由該總辦將正險各工
通籌分治以裕財力而策進行除飭催財政廳將此項工
需儘先撥放外仰仍遵照迭次批飭妥爲籌修幸勿以欵
絀工長致隳初志是所深望切切此批又奉鈞批廳長詳

復寶山塘工撥過數目業已具報請鑒核由奉批據詳已
悉仰仍遵照迭次批飭將呈准墊撥之正工欵項設法籌
濟並按照應增工需數目會同江南水利局妥議抵補方
法詳候核辦各等因奉此總辦查寶山塘工待欵情形前
經節次詳明無庸縷述惟原估各段工料需銀三十萬六
千九百六十八元九角九釐局用雜費照案核減詳准以
一成二計算需銀三萬六千八百三十六元二角六分九
釐上年七月以後屢經風災續出險工估計工料銀七萬
二千七百六十二元九角一釐局用雜費需銀八千七百
三十一元五角四分八釐統計工料局用雜費合銀四十

二萬五千二百九十九元六角二分七釐伏以去年秋冬迭遇颶風歷來未有論寶山海塘現象處處應修惟因需款甚多籌措不易凡有可緩之工均已剔除未計故東西兩塘續估各段只估修八百八十餘丈實已減無可減且查與原估各工程處處犬牙相錯若非同時並辦凡此危險之處固不堪抵禦風潮卽所已修之工難免不爲牽動所需經費除前蒙呈准借撥驗契費銀三十萬元外計原續估各工仍短銀十二萬五千二百九十九元六角二分七釐值此民生凋敝地方籌無可籌各縣帶徵畝捐亦屬緩難濟急一再會商廳長惟有籲懇恩施俯念此項塘工

一有不虞十數縣胥受影響百姓身家所係卽國家賦稅所關准予分別呈請並備文咨部將前項經費不敷銀十二萬五千二百九十九元六角二分七釐仍照前案在驗契費項下借撥惟查驗契收數已成弩末按照詳定章程本年六年卽應截止前奉准撥三十萬元現尙未能足數此項續估之款將來能否收足殊無把握應俟截數之後再行分別辦理至抵補方法仍擬照前次議案地方擔任二成卽將各縣畝捐接續展攤俟帶徵起歸還緣奉前因理合聯銜詳請仰祈鈞鑒批示祇遵以顧要局大局幸甚謹詳民國五年三月三十一日

江蘇省公署訓令江南水利局爲准省議會咨可決追認帶征水利經費文

江蘇省公署訓令江南水利局案查江南各縣帶徵水利經費一案前經本省長提交省議會公決追認去後茲准咨復業於十月九日十一日十六日提出大會一再討論僉以水利與農田關係至鉅以地方收入辦地方要政誠屬至當不易之法查交議原案於江南各縣帶徵水利經費之由來及水利局辦理各項工程情形並保管此項經費方法至爲詳晰事關民生國計但得實事求是自應追認以利進行惟原案請款方法應改爲請款時由縣知事就地查核需款情形按照水利局批准數目一面呈報水利局一面呈請財政廳填發通知轉給領用以省周折所有可決追認江南各縣帶徵水利經費一案情形合行備文咨復請煩查照施行等因准此除依法公布並分別咨行外合特令仰該總辦即便轉行徵收前項畝捐各縣知事一體遵照此令民國五年十一月二十七日

咨省議會文

爲咨行事江南蘇松太三屬襟江帶湖夙稱澤國治則利不治則害韓前巡按使有鑒於此創修濬三江之議而以開通劉河爲入手辦法誠以吳松江及劉河爲太

湖出海正流經過吳縣吳江崑山太倉嘉定青浦寶山上海八邑年久淤塞宣洩不暢節經派員測勘並議定就河流經過區域不分直接間接按畝分忙攤捐每畝抽收水利經費銀三分以二年爲度並分行上列各縣各舉地方公正士紳於三年十月十五日齊集蘇州江南水利局會議經徐前總辦壽茲出席僉以興修水利實爲保衛農田至計萬難再緩第以民力維艱如每畝攤征三分誠恐一時不能擔負議決將原議每畝三分帶征二年之案改爲每畝二分以三年爲度經費旣無出入民力藉可稍紓據經咨由財政部具呈中央奉批

照准有吳縣等八縣爲太湖下游各河流經過之地旣經議決卽自三年爲始實行帶征如浚百瀆以上各河應將經過之宜興金壇溧陽各縣加入開浚泖湖應將經過之松江金山各縣加入常熟一縣因開浚白茆及籌備開挖攔門沙附加經費業經帶征毋庸併案辦理等因奉經轉飭遵照嗣因江南水利局籌測松泖並擬修浚百瀆以上各河卽經該局照案於三年十二月分飭金山松江丹徒丹陽宜興金壇溧陽等縣分別帶征復於甯鎮七屬畝捐案內切實聲明將徒陽壇溧四縣所收畝捐撥充治河專款咨部核准現在該局所辦各

項工程除吳松江泖湖現正派員測勘宜興金壇溧陽各河業已次第籌辦徒陽運河尙待議浚外餘如太倉境內之劉河沙溪直塘橫涇等河劉河口外攔門沙吳江境內之窑港黃沙路等處均已遴選紳耆分別挑修各在案三吳爲東南財賦之區國家稅源民間生計根本悉在農業而水利之興替實有以操縱之是故歷屆辦理河工經費所出皆行按畝攤征之法良以農田水利息息相關以地方收入辦理地方要政取於民者仍還之於民不惟輕而易舉且其用途性質核與他項捐稅截然不同卽其保管方法亦經財政廳江南水利局

會同核議各縣征起水經費由經征官署將逐日帶收之款按旬列摺具報每積至五百元卽解存指定銀行另款存儲掣正收據送局備查請款時由縣知事會同水利委員分呈省署水利局俟核准後照填請款憑單送局簽名蓋章咨廳填發通知轉給領用如經征知事遇有交替應由後任查明前任有無征存未解之款責令以現銀交解若任其歸入交代卽着落後任賠繳詳准有案於攷核征收之中寓鄭重水利之意兩年以來行之並無窒礙所有江南各縣帶征水利經費情形相應按照省議會暫行法第十六條第三款之規定咨請

公議追認此咨

江蘇省公署訓令江南水利局爲准省議會咨議決海塘
公欸文

案查本省寶山海塘工欸一案前經本省長提交省議會
公議追認去後茲准咨復准咨開寶山海塘籌欸情形按
照省議會法第十六條第三款之規定咨請公議追認等
因准此業於十月九日十一月十六日提出大會一再討
論僉以海塘關係國防修理費應由國家支出民國元年
臨時省議會議決公布有案况蘇省賦稅甲於全國新稅
附稅有增無減來咨謂江南各屬前以興修水利已帶畝

捐此項工欸數目過鉅不忍再令民間負擔誠洞燭民隱
惻然仁者之言一俟國庫整理就緒此項工欸卽應全數
歸中央支出地方或有昭蘇之望至原議分攤辦法凡已
攤征河工經費各縣俟河工費帶征完竣後繼續攤征其
未征河工費縣分應將海塘提前征解等語本會會議結
果以爲此層恐有偏頗應俟各縣河工費帶征告竣後一
律帶征此項塘工費庶昭公允一面仍請貴省長轉咨中
央援案請欸以維國防而蘇民困所有議決寶山海塘工
欸情形合行備文咨復請煩查照施行等因准此除分別
咨行外合特令仰該總辦卽便知照此令民國五年十二

月二日

咨省議會文

爲咨行事蘇屬東南濱海塘工屏蔽民田關係重要前清時歲修有款搶險有費辛亥以還塘工歲修局裁撤風潮剝蝕無人顧問地痞土棍相率偷賣塘石得價瓜分沿海塘身遂日隳敗其間尤以寶山東西塘爲尤甚該縣三面環海形勢險要東起黃家灣接川沙土塘迤北至太倉楚城涇止計長二十六里西起蘊草浜越浜而南至上海縣吳松尾閘適界其間土石塘而外護以椿木防禦設施本極完備自吳淞天后宮迤北濬浦局

民國江南水利志

卷二

三

攔江築埭潮流迴擊爲勢猛烈以致釀成種種險象雖經歷任省吏籌款搶險擇尤補苴無如東西塘工歷年已久此築彼坍搶險工程原係救急之謀實非萬全之策三年十一月間海潮奇漲撼及塘身迭據官紳稟請勘估節經飭行江南水利局沈總辦親往查勘分別最要次要工程核實估計迨本省長巡視江南復經周歷查勘派員復估計最險次險土石塘工一千七百餘丈左右護塘河工二千四百丈需款三十五萬元有奇溯查歷屆成案海塘工需向由舊蘇松太二府一州分忙帶征遇有緩急或再動撥庫款有案可稽惟江南各屬

前以興修水利已徵畝捐此項工款數目過鉅不忍再令民間負擔無如省款奇絀籌墊爲難呈請先就本省驗契收入指撥以應急需一面另籌的款藉資抵補奉經轉飭財政廳長會同江南水利局總辦召集各縣官紳公同討論議決將此項塘工經費分作三成以二成由吳縣常熟崑山吳江上海松江南匯青浦奉賢金山川沙太倉嘉定寶山等十四縣援照成案按畝分攤一成由國家撥濟作爲補助凡已攤征河工經費各縣一俟河工費帶征告竣卽將海塘工款繼續征收其未征河工費縣分應將塘工費提前徵解常熟縣原有帶征

白茆河工等款爲數較多塘工應攤之數分年另行籌解至常熟太倉松江三縣海塘工程出險處所應需經費俟寶山塘工告竣後繼續辦理呈奉批令照准通行遵辦有案嗣經上年七月二十七八日颶風爲災東塘伏字段等處復遭沖損約八百數十丈勢極危險雖經設法搶護而工款因以陡增據報原續估各工共需銀四十二三萬元較原數約增八萬元左右其不敷之款亦經行廳照案籌撥該局承修工程如東塘愛字等六段西塘牛頭涇一段均已次第修竣委員驗收伏字段險工改砌水門汀提前趕辦但期風潮平穩工款早撥

全工完成指日可待未始非保衛海疆之至計也所有寶山海塘籌款情形相應按昭省議會暫行法第十六條第三款之規定咨請貴會公議追認此咨

江蘇省長公署訓令江南水利局爲准部咨海塘工費仍

照前議文

案查江南濱海各縣帶征寶山海塘經費一案前由江蘇省議會議決轉咨中央請款以維國防准經分咨各部局核復並行知在案茲准財政部咨開准國務院函部會同內務部核辦各等因前來查江蘇寶山塘工經費已由該省在解部驗契收入項下借撥三十萬元此項經費前經

民國江南水利志

卷二

三

該省地方公正士紳開會討論議決分作三成以二成由地方擔任按畝分攤一成由國家撥濟作爲補助凡已攤征河工經費各縣一俟河工費帶征告竣即將海塘工款繼續征收其未征河工費縣分應將塘工費提前征解誠以寶山海塘關係蘇松太三屬民田所需經費如全數由地方擔任則民力恐有未逮故議由國家撥濟一成作爲補助至所議按畝分攤辦法其未征河工費縣分自應將塘工費提前征解辦理極爲平允並無偏頗此次省議會所議各節本部認爲並無充分理由實難照准仍應查照前議辦理以符原案除分咨外相應咨復查照辦理可也

等因准此除咨江蘇省議會查照並分行外合特令仰該總辦即便遵照此令民國五年十二月二十九日

江南水利局總辦沈佺呈江蘇省長爲遵議甯屬畝捐劃歸水利帶征方法文

呈爲遵令核議甯屬畝捐劃歸水利帶征方法復請鑒核事奉省長第一二二三三五號訓令開案查甯鎮七屬二分畝捐前因淮安寶應高郵江都興化東台泰縣鹽城等八縣帶徵經費留辦河工奉准在前金壇溧陽丹徒丹陽四縣畝捐與修濬百瀆以上各河有關援案一併截留咨經財政部核准並由財政部咨據丁紳寶銓等稟請將淮揚徐

海四屬畝捐悉數劃撥作爲治運導沂工需准經分飭遵辦各在案茲復准江蘇省議會咨稱查本會俞議員仁愈等提議截留甯屬七縣二分畝捐以充地方水利專款案一件又張議員倚等提議請定甯鎮七屬畝捐辦法案一件節經提出會議僉謂本省各屬水利經費皆取給於各縣帶徵之畝捐固以急地方之要政亦所以諒中央之困難本案係援濮陽河工經費成案合甯鎮通揚淮徐海七屬一律加征今揚鎮淮徐海五屬既呈准撥爲地方治河專款甯通兩屬事同一律現查甯通舊屬各縣水利急待興修業經本會另案議決從速勘辦祇以經費無着徒托

空言此項畝捐自應援例截留撥歸地方水利應用以免偏枯而昭劃一相應抄附原案咨請查照施行等因准此除咨部核復外合特錄案令仰該總辦即便查照原議決案先將帶徵方法會商呈核等因並發抄案到局奉此查甯鎮各屬帶徵二分畝捐丹徒丹陽金壇溧陽四縣前已奉准仿照江北濱河各縣成例先將所收畝捐撥充治河專款俟河工經費足數後仍歸入畝捐一併辦理誠以水利失修頻年非早即潦民困宰禱今省議會提議以此項畝捐係援濮陽河工經費成案應將帶征區域悉數截留撥歸水利應用洵爲當務之急復查甯屬各縣在江南水

利範圍以內者爲江甯句容溧水高淳揚中五縣將來該五縣截留畝捐應照鎮屬辦法由各該縣知事按畝征收每積至五百元卽照章解交附近江蘇銀行專款存儲掣取收條送局查核如有需用須呈由水利局轉呈省長核准然後填具請款憑單送財政廳給發通知書一面報局查考以昭鄭重至於急待疏濬如赤山湖便民河等處現正委員勘估尙難預算用途日後各縣帶征年限應以需費多寡爲衡間有關係數邑之河工亦宜通力合作以期易告厥成奉令前因除分行外理合將帶征方法具文呈復是否有當仰祈省長鑒核令遵實爲公便謹呈民國六

年一月十一日 江蘇省長公署指令據呈已悉應俟部復到後再行核遵仰卽知照此令一月十九日

省議員俞仁愈提議截留甯屬七縣二分畝捐以充地方水利專款案

竊國家加徵賦稅無論國體爲共和爲君憲必經國會通過此一定不易之理也吾蘇之甯鎮七屬加征二分畝捐係仿照直東兩省辦理查直東加征之原因實由籌備濮陽河工經費事關水利故有加征畝捐之舉此項畝捐爲一種地方附稅性質當時財政部商之於蘇財政廳蘇財政廳遂代表人民以應之其所以不起非

難者良以加征手續措施雖欠完全而仿辦由來情形已經洞悉增地方之負擔謀水利之進行災祲餘生剝肉應命在中央之軫念固可感而人民之勉力亦可憐矣同案寶應八屬畝捐已經省公署呈准中央撥充該處治河經費徐淮海紳民要求援案辦理聞已准行鎮屬亦指爲修濬百瀆以上各河專款獨甯屬七縣之畝捐則提歸中央支用是以一隅忍痛苦之負擔供中央不平均之收入爲中央計爲甯屬計取與胥欠公允况甯屬水患爲蘇省冠如赤山湖如便民河等積年淤塞已無水利可言疏濬之圖萬難從緩現今甯句溧高浦

六境內滄海變遷水失故道無一不有應修圩工或則攤賠虛糧或則沈淪積潦及今不圖補救正供且將無出何有加捐尤宜將此項畝捐截留地方作爲甯屬七縣水利經費本員等並非見好甯屬人民故與中央爭款惟查四年三月財政部效電明令仿照直東兩省籌備濮工經費辦理繹其電文實係帶地方水利附稅用意至爲深遠如謂爲普通加賦何必以畝捐命名更何必以仿照籌備濮工爲藉口乎此項畝捐截留後一方面興修地方水利一方面仍仰體財部電飭仿辦初衷至此款用途應由七縣聯絡組合水利團體勘其形勢

權其緩急呈請省署次第施工屆時再行按款按縣分別報領在未施工前統由省署專款存儲劃爲甯屬各縣水利經費不作別用謹議

附錄財政部效電

見四年四月二十一日省公報

財政廳稅密前因直東兩省籌備濮工經費附收畝捐電行各省仿辦此項稅收意主平均擔負本已賦重之地如該省蘇松常太等處自可無庸議及此外各屬仰卽切實規畫彙案核辦財政部效

省議員張倚提議請定寧鎮七屬畝捐辦法案

吾蘇賦稅之重甲於全國最奇者當袁氏時代忽令江

蘇甯鎮七屬三十餘縣仿直隸濮陽河工成案每畝加征二分彼時懼於淫威無敢抗議但辦法歧異有每畝照加二分者有該縣畝數不清改爲每兩加八角六分者旋又獨將鎮屬畝捐由省咨部改爲江南治河專款他屬則否近日江北丁寶銓等請撥淮揚徐海四屬畝捐充治河治沂經費甯通二屬亦有建議大抵主張停止或留爲該屬水利經費總之此項畝捐尙難遍及一省自不能交國會承認爲國家歲入的款旣以水利爲名自不能用違其實擬請將甯鎮七屬畝捐請部照撥爲各縣水利經費最好明定帶征年限如期停止仿江

南水利局議決辦法萬一旣已厲行於先勢難中輟於後則請定爲水利儲金或其他關於交通上之設備金不得移作別用謹議

江蘇省長公署訓令江南水利局爲截留甯通兩屬畝捐部復照准文

前准江蘇省議會咨請援案截留甯通兩屬二分畝捐充作地方水利專款一案當經咨請財政部核示去後茲准部復查淮揚徐海鎮五屬畝捐業經本部先後核准撥充治河專款甯通兩屬事同一律貴省議會所請截留此項畝捐撥歸地方水利經費一節自應照准仍照寶應等縣

前案辦法俟河工經費足數後歸入畝捐一併辦理以期於國於民兩有裨益此欸每年劃撥若干并請令飭財政廳長查明具復相應咨復查照辦理可也等因准此除分行外合特令仰該總辦即便轉行遵照此令民國六年二月二十五日

江南水利局總辦沈佺呈江蘇省長爲奉准截留畝捐應從何年爲始請示文

呈爲奉准截留甯屬二分畝捐一案應從何年爲始陳請鑒核令遵事案奉省長訓令第八三八號內開前准江蘇省議會咨請援案截留甯通兩屬二分畝捐充作地方水

民國江南水利志

卷二

三

利專款一案當經咨請財政部核示去後茲准部復照准仍照寶應等縣前案辦法俟河工經費足數後歸入畝捐一併辦理以期於國於民兩有裨益此欸每年劃撥若干并請令飭財政廳長查明具復相應咨復查照辦理可也等因准此除分行外合特令仰該總辦即便轉行遵照等因奉此查上年十一月間奉鈞署第二三三五號訓令當將帶征方法核議呈復奉有指令在案奉令前因又經轉行江甯句容溧水高淳揚中五縣將各該縣額征田畝及每年帶征銀元各數查明開報茲據溧水縣陳知事復稱帶征畝捐四年分已全數報解財政廳五年分征起銀元

亦經解省等語高淳復到詞意略同總辦復查此項畝捐起自民國四年迨五年十一月省議會始有截留之請本年二月甫經財政部核准此後截留年限自應以河工需費多寡爲衡現在應辦之工甚多而四五兩年各縣帶征之款大都解送財廳究竟應以何年爲截留之期查閱議案部文均未規定是否卽從起征之年抑自奉准之日起撥歸地方水利經費之處總辦未敢擅專理合具文呈請仰祈省長鑒核指令俾有遵循實爲公便再查議案內有甯屬畝捐用途應由七縣聯絡組合水利團體勘其形勢權其緩急呈請省署次第施工等語第甯屬七縣中江浦

民國江南水利志

卷二

四

六合兩縣地居江北向不隸於職局範圍將來興工時該二縣應否隸屬江北運河工程局辦理抑劃歸職局兼辦並乞鈞裁謹呈民國六年三月二十九日

江蘇財政廳咨江南水利局爲奉省公署指令已呈復甯通畝捐自六年三月分起徵欸截撥水利費用項文

爲咨會事本年四月二十一日奉省公署指令貴局呈一件爲奉准截留甯屬二分畝捐應從何年爲始請示遵由奉令據呈已悉查通屬二分畝捐前據南通縣知事呈報已由該廳核定自本年三月一日起截歸地方寧屬事同一律是否援案截撥卽由財政廳核復令遵至江浦六合

兩縣地居江北毘連皖省與淮水有密切關係本應劃歸江北運河工程局管轄惟查省會議案甯屬組合水利團體係指七縣而言究應如何辦理應由該總辦會商江北運河工程局妥議復奪仰卽分別咨行各該總辦一體遵照此令等因奉此查甯通兩屬解到五年分畝捐前以奏抵中央專款請自三月分起遵令截撥業經呈奉省長公署核准並行知各該縣在案甯通事同一律均應遵照辦理茲奉前因除呈復並分咨外相應備文咨會卽希貴總辦查照施行此咨民國六年四月二十五日

民國江南水利志

卷二

巽

訓令江甯等二十八縣知事文

案奉省長第一四零三號訓令開案查蘇省水利工程向由江南水利局暨江北運河工程局分別勘辦兩年以來籌款施工規模租具惟稽諸各該局開辦原案有寧鎮蘇松常太舊六屬直隸江南水利局又江北運河工程局專治運河下游各等語而於地居江北與淮河流域有關之江浦六合等縣如何支配並未明言卽靖江泰興如皋南通海門各縣或位於揚通運河下游或與興東泰縣等處毘連港汊紛歧形勢衝要其管轄之權是否由江南水利局兼顧抑係江北運河工程局主辦亦未經明確規定值

茲地方水利次第興辦之時所有上述各縣水利事宜應卽根據治運原案劃歸江北運河工程局直轄俾資接洽至崇明揚中兩縣或孤懸海外或屹立江心河流旣形簡單情形又復特殊卽由該局督飭各該縣地方官紳將應辦水利切實進行以一事權而期貫徹遇有江南北應行協議事件仍由各該總辦隨時會商辦理除分行外卽轉行各該縣知事一體遵照等因奉此除分行外合就令行該知事卽便知照此令民國六年六月十八日江南水利局總辦沈佺呈江蘇省長請於七年度國家預算編列海塘工費三十萬圓文

呈爲海塘工程請編入國家預算歲撥專款以資興修呈請鑒核事竊查蘇省海塘起自常熟迤南經太倉寶山川沙南匯奉賢松江金山以達浙江平湖縣之海塘銜接處止綿亘五百餘里爲江南十數邑民命田廬之保障前清同光年間厯任督撫奏撥公帑或征收畝捐興修載在海塘新志因塘工關係重要雖有所費其所保全者大也近以失修年久各塘時出險工尤以寶山松江太倉常熟四處爲最民國四年省長親臨寶山察勘塘工目擊危險情形呈准中央撥墊款項飭委總辦兼任督修是年七月甫經開工卽遇多年未有之風災因之險工加多經費增鉅

各縣海塘亦多被衝受損曾經分別勘估除已呈奉撥款擇要先修之外尙有太倉之楊林口常熟之泔浦塘寶山之東西塘未修各段綜計需銀數十萬元以欸鉅難籌未克舉辦而海塘險象且迭起而循生總辦在工三年粗有經驗蓋海上風潮靡定形勢最易變遷常見有塘外餘地尙寬本係次要處所殆幾經風浪衝刷灘地坍塌殆盡頓爲極險之工祇就寶山而言所見已非一處欲籌救治之策應照寶山南北石塘做法將沿海塘岸一律改築條石外加護土壘以碎石坦坡最衝要處再釘雙椿夾石之攔水壩以環繞之庶幾工堅耐久第塘長數百里非籌有千萬金弗能從事不得已而思其次悉照現時做法修整土塘添築椿石經費較省亦需百萬元際此財政困窮何從集茲鉅欸惟海塘之危險旣如上述加以濱海風濤莫測時有意外之虞僅云救濟目前已估未修之工實有不容再緩之勢愚見所及若猶知而不言固無以對地方抑且有負省長然卽小小修補仍非歲有的款不可此時欲向地方籌集計惟按畝帶征如寶山修塘工費一案曾於四年召集江南各縣會議有因已帶征省有河工各縣俟河工費征竣接續分年再帶者有因未帶征省有河工各縣應行提前帶征者綜計已征塘工費之縣實居少數以公

同議決之案猶且因災一再請緩是地方凋敝情形固已不言而喻欲請省長籌撥近來庫儲支絀各處工需多藉水利專款挹注然經費祇有此數於工程無大神益况五年預算已有不敷他項相需正殷恐亦後難爲繼總辦環顧海塘之重要默念時局之艱難五夜徬徨一籌莫展近閱報章載有浙江修塘工費編入國家預算一節蘇省事同一例似可仿行伏思修塘以衛民也百姓身家所繫卽國家賦稅所關及今綢繆猶可弭將形之患如遷延日久遇有意外風潮將此一綫殘塘衝決人民之損失固無待言在國家則不惟短少歲收且須另籌工振之款其糜費

有不可以數計者合無仰懇恩施俯賜令行財政廳於七年度國庫支付預算案內編列江南海塘工費銀三十萬元以備遇有險要工程得以隨時請款修築大局幸甚爲此瀝情呈明伏乞省長鑒核令遵實爲公便謹呈民國七年一月廿一日

江南水利局訓令各縣知事申明帶徵水利經費定章文案查江南各縣帶征水利經費專備疏浚各河湖要需每積至五百元卽須解存銀行掣取收據送局不得留存縣署遇有交替由後任查明前任如有征存未解之款責令以現銀交解若任其歸入交代卽著落後任賠繳迭經申

明定章分行有案各縣之顧全大局儘徵儘解者固自有
人而一任頻催僅解少許搪塞者尙居多數甚有本任征
存欸項盈千累萬延至交卸留交後任又不卽爲代
解者似此漠視定章豈本總辦之所及料又查前奉省令
飭查各縣已解未解數目列表呈送等因亦經擬具表式
分發查填如吳縣崑山太倉寶山嘉定溧陽丹陽溧水高
淳等縣均已辦送丹徒句容二縣尙應補送一分金山縣
則須照式另填其餘吳江青浦上海松江宜興金壇江寧
等縣至今未到致稽彙轉亦覺過於遲延現當舊曆臘月
正錢糧旺收之際而各河湖工程與夫測量事宜分途並

民國江南水利志

卷二

吳

進待用尤殷除分催外合亟令行該知事卽將已征水利

暨寶山山塘工崑山吳江太倉寶山嘉定文內用

經費尅日分年掃數清解掣取銀

行收據送查如有欠在前任者亦卽咨催交現代解

仍照前發

表式將歷年完欠各數按年列表送核丹徒等十縣文內用

倘再延宕惟有遵照省令

呈請派委守提幸勿視同具文也切切此令民國七年二

月二十六日

江蘇財政廳廳長胡翔林江南水利局總辦沈佺江北運

河工程局總辦馬士杰呈江蘇省長爲會議前清鎮江

關提存各典運河專欸請江南北各半提用文

呈爲會同核議武進縣各典機器存欸酌擬變通辦法以

免爭執請鑒核示遵事竊翔林於本年一月二十三日奉鈞署指令據武進縣知事呈爲開濬河工需費陳請撥給機器存款以資補助由奉令開據呈已悉該縣呈請撥還機器存款補助開濬北塘河及孟德澡三河經費此項存款究竟能否指撥仰財政廳會同江南水利局核飭遵照具報查考此令呈抄發等因奉此當以此項機器存款關涉運河工需能否指撥應由運河工程局主政辦理卽經抄呈咨請士杰主稿核復挈同本廳及江南水利局會銜分別呈令等因到局准此查此案先據武進知事陶文煥呈同前因曾經士杰指令逕呈省長候示祇遵在案伏查

各縣典商所領前清鎮江關罰金提存公款專備修濬運河口門之用士杰前係遵奉鈞令會廳提取應仍查照前案辦理本難遽予變更况該款原屬省有尤當全局統籌若以款存何縣卽由該縣留充地方工用辦理亦殊難允當惟既據武進縣一再呈請因念同爲河工需用本無畛域可分自可酌予變通辦理茲經士杰與翔林佺等再三商酌擬將各縣存典公款除江陰溧陽兩縣前因軍費工需業經奉准先後提用及已據繳解撥充工費不計外現查僅有武進縣存銀二千兩無錫縣存銀二千五百兩金匱縣存銀二千四百兩三共存銀六千九百兩擬請由江

南北兩局各半提取分別支配用途以歸劃一而示大公
往返會商意見相同所有核議武進縣及連同錫金兩縣
各典存款酌擬變通辦法以免爭執各緣由是否有當理
合聯銜具文呈復仰祈鈞座鑒核指令祇遵謹呈民國七
年三月二十五日

滬海道尹王賡延江南水利局總辦沈佺呈江蘇省長爲
遵勘寶山海塘請先編入預算文

呈爲遵令會勘寶山海塘請先編入預算以備工需事竊
奉省長指令總辦呈海塘工程險要用項浩繁擬請於七
年度編入國家預算歲撥專款以資興修緣由奉令據呈

海塘工程險要擬請歲撥專款三十萬元編入國家預算
以資興修查此案事關重大應候派員會同查勘俟呈復
後再行核辦以昭慎重仰卽知照此令同時道尹奉省長
訓令飭卽會同切實查勘詳細具復各等因奉此伏查江
南海塘以坐落寶山松江太倉常熟四縣爲最險最要而
尤以寶山境內爲最長川沙南匯奉賢金山四縣次之地
段綿亘年久失修其坍塌情形與夫需費浩繁已由總辦
詳切呈明在案是塘工之險籌款之急尙在洞鑒之中奉
令前因總辦遵卽由蘇至滬面商道尹酌定先勘寶山海
塘隨于三月十九日會同親詣寶山縣境督率張知事允

高歲修局員朱日宣勘得西塘小沙背陳華浜顧隆墩石洞北王廟五岳墩等六處因失修已久椿朽石坍異常危險此爲已估未修之工間有較原估時殘缺尤甚現須加修者約需銀十五萬餘元又張家宅薛家灘牛頭涇石洞黃窰灣等十七段亦有坍塌內以張家宅石洞爲最險其餘次之此爲續出險工現須修築之處約需銀二十萬元有奇又南北石塘迎溜頂衝石坍椿陷前經總辦會同錢委員淦履勘呈復估需銀二十一萬餘元又談家浜一段南北兩頭均爲浚浦局所築石岸獨此段殘損未修前照舊式用椿石築砌估需銀九萬六千餘元因款無所出僅

辦搶險未能持久該處逼近吳松爲中外觀瞻所繫若用水泥建築仍須加費數成此會勘寶山西塘應修各段之大略情形也三月二十日會勘得東塘愛育黎首臣伏戎羗遐等段除已經修竣呈請驗收者不計外尙有已估未修者七段均屬險要又有續經出險現須趕修者十三段內以愛首戎遐等五段爲極險其餘次之約需銀十九萬餘元又伏字段內應築攔水壩一百四十餘丈逼近深水最關緊要現亦停工待款此會勘寶山東塘應修各段之大略情形也道尹總辦復查江南海塘地連八邑綿亘五百餘里日與狂風怒潮相抵抗險工迭出其危險較黃河

爲尤甚前以海上風潮瞬息千變被衝地點亦難預定與其臨渴而掘井莫如未雨而綢繆故擬照浙江修塘工費編入國家預算辦法援案以請明知庫儲奇絀籌撥爲難惟塘工關係民命總辦具有責成與其遇險請欸難免延誤不若定有專項歲時興修較有把握現祇會勘寶山海塘擇要修築已需工料銀八十餘萬元其餘塘工修費尙不與焉誠恐地段窳遠履勘需時而七年度預算編製在邇難以久待除將各邑海塘再行會同切實查勘另文呈覆外理合先將會勘寶山海塘情形聯銜呈復仰祈省長鑒核俯賜准照總辦前呈令行財政廳于七年度預算案

內編列江南海塘工費銀三十萬元俾得遇有險工歲時興修實爲公便再此呈係道尹主稿會商總辦贊同在滬繕發總辦會銜不會印合併聲明謹呈民國七年三月廿八日 江蘇省長公署指令會呈已悉據稱勘畢寶山海塘仍請于七年度預算案內編列歲修工費洋三十萬元等情查海塘工程關係重要自應作未雨綢繆之舉惟國家預算向有一定範圍此次請款太鉅既未能如數照列而環顧要工又不能因噎廢食仰仍會同切實查勘分別先後緩急某處爲最險某處爲次要通盤籌劃覈實釐剔必擇其萬難緩修者妥議呈復以便酌核辦理再來呈列

舉某處最險某處極險某某處均屬險要某某處較原估時危險尤甚幾於險則俱險勢必修則俱修在事實上萬無辦到之日且恐有真正危險緊急之工便因此阻止進行須知此事既經委令會勘該道尹總辦等責無旁貸總期並顧兼籌俾免貽誤是爲至要仍將遵辦及續勘情形詳細具報併卽知照此令民國七年四月十三日

江蘇財政廳長胡翔林江蘇滬海道尹王賡廷江南水利局總辦沈佺呈江蘇省長爲會勘各縣海塘懇先請撥六十萬圓修築危急各工仍自八年度起編列國家預算三十萬圓文

呈爲會勘各縣海塘分別險要繪圖列表送請鑒核事竊奉鈞令會同查勘各邑海塘詳細具復一案遵經道尹總辦先赴寶山履勘東西兩塘將各段危險待款修築情形會同呈復旋奉省長指令云云等因仰見蓋籌碩畫審慎周詳莫名欽佩道尹當勘畢寶山海塘後正擬赴各縣次第勘查適滬上須辦防疫事宜未克分身商諸總辦各派委員偕往履勘嗣據道委李定榮局委沈泗孫報告會勘得太倉海塘除近年新修各段外自劉河口北六段直至楊林口之十二段樁石大半零落殆盡土塘坍塌尤甚塘面現存丈餘者有之數尺者亦有之且有塘身冲斷形似

溝洫者幸塘外漲地較多潮水距塘較遠故均列入次險
至劉河口南六段中以第二段二百四十餘丈地當衝要
潮流逼近內有四十四丈尤爲極險又勘得常熟海塘東
自太倉境起西至先生橋止其有椿石工段共二千八十
三丈內有三百七十六丈均屬險要前已估計迄未興修
又自聞家宅西至龍腮涇一百二十五丈近年復出險工
尤以澚浦口東西兩裏頭六十丈及禦潮壩三十六丈適
當潮流之衝最爲危險其餘可緩之處列入次險又次險
以分別之又勘得松江海塘東接奉賢西接金山分爲東
西兩塘東塘九段均完好塘外漲地甚多西塘計十二段

內石塘亦完好外塘椿石有築至四五層者現均剝蝕除
第九段至十二段外有漲灘列入次險餘均逼近潮流形
勢極險而以第二段之一百八十三丈八尺當金浮等山
之衝正受衝擊裏層椿石一道尙嫌單薄不能抵禦爲極
險中之最要等情並繪圖列表送局正核辦間續據太倉
松江常熟三處塘工歲修局委員等先後報告以太倉劉
河口南第二段現勘應修之九十二丈松江西塘第二段
現勘應修之二百三十丈八尺常熟澚浦前估未修之東
首護灘壩八十丈本屬極險近因朝朝夕汐險象加增且
與鈞委所指最急險工地段銜接非提前同時修築岌岌

難支等情前來適奉省長令開准內務部咨送河務會議
議決籌修江南海塘一案除分行財政廳滬海道尹外令
行遵照節次指令先其所急撙節欸項擇要修理一面遵
照部咨詳加籌議妥具辦法會呈核辦又奉訓令據寶山
同鄉京官袁紳希濤等函稱寶邑南北石塘小沙背玲瓏
壩一帶均爲極險之工請將前經勘定經費銀二十餘萬
元特予咨明分期撥足尅日興工至歲修經費並請飭由
江南水利局遵照部咨辦理等情令飭會同妥籌核議具
復各等因又據寶山經董吳以義等呈海塘關係重要請
將修費列入中央預算等情廳長道尹並奉令同前因復

查江南海塘地連八邑而寶山松江太倉常熟四縣適當
衝要無地不防出險卽無歲不須籌修前因工大費繁故
援浙省之案請編入國家預算以備分年修築及奉令會
勘寶山一邑合已估未修現估應修各工已需七十八萬
餘元松江則需五十二萬餘元太倉則需五十四萬餘元
常熟亦需十六萬餘元稔知籌欸維艱勢難同時並舉茲
就查勘所及之處核實釐剔分爲極險次險又次險以示
區別而極險之中尙有最爲危急刻不容緩者如寶山東
塘愛育首戎遐等段險工六處其長二百九十丈工料需
銀六萬七千四百八十三元二釐西塘陳華浜顧隆墩張

家宅石洞等段險工六處共長五百四十丈五尺工料需銀十三萬六千八百三元七角七分二厘太倉劉河口南第二段險工二處共長一百三十六丈需銀一萬四千七百九十六元七角三分八釐常熟澣浦口東西兩裏頭禦潮壩及東首護灘壩共長一百七十七丈二尺五寸需銀二萬一千一百六十五元一角一分三釐松江西塘第二段險工兩處共長四百十四丈六尺需銀二萬九千八百三十一元一角六分一釐均屬最爲急險萬難稍緩之工合計已達二十七萬元有奇至袁紳等函稱寶山南北石塘小沙背玲瓏壩一帶險工本年總辦會同錢委員勘估

洵皆險要南石塘與玲瓏壩兩段已蒙借撥銀二萬元擇要興工若照估全修尙需銀十九萬四百三元三角二分二釐又前經勘估談家浜險工計需銀九萬餘元雖已間段搶險祇可暫顧目前仍非趕辦正工不可綜計共需銀五十五萬餘元而一切雜費尙未併計道尹總辦既蒙委勸廳長奉令會同核議對於塘工公款自當並顧兼籌竊念海上風潮變幻莫測目前大汛時期江南十數縣民命田廬恃此一綫危塘以爲保障卽部咨亦以塘工關係地方至爲重要分年籌款次第興修認爲扼要之圖廳長等以爲非特別請款無以應急需非歲有的款無以爲久遠

計今省庫實異常支絀預算有一定範圍縱使挹彼注茲
供求仍難相劑而地方凋敝情狀日甚一日點金既乏其
術要工又難緩修此外列入緩辦之工雖可暫緩於一時
尙須次第籌辦謹將寶太松常四縣全塘丈尺區分極次
險要暨原估現估工費數目繪圖列表聯銜呈復擬懇省
長呈請中央撥給銀六十萬元先將寶太松常四縣海塘
最爲危急各工及早修築仍由國家地方分成擔任地方
擔任之款由吳縣等十四縣俟原攤寶塘工費征完接續
帶征歸墊以期墊款有著而民力亦可稍紓其餘各段極
次險工程仍請自八年度起於國家預算案內按年編列

銀三十萬元俾可分別緩急次第修理惟海上風潮瞬息
千變形勢隨之遷移仍由總辦隨時查勘擇要施工是否
有當伏乞鈞裁指令祇遵再此案因各處繪送圖表多有
錯誤往返駁查致稽時日至川沙南匯奉賢金山四縣塘
外漲灘甚多半已成田與寶太松常等處夷險各別遇有
異常颶風海潮漫溢情事向與崇明塘工大率就地籌修
公家量予補助故未併列此呈由總辦主稿會商廳長道
尹贊同合併聲明謹呈民國七年十月廿九日

江南水利局總辦沈佺呈江蘇省長爲造送寶山塘工襍

呈爲造具寶山海塘工程局雜用經費計算書及粘據簿並彙填收支對照總表陳請察轉事竊總辦督修寶山海塘業將三次奉委驗收修竣東西塘各段工程支出工料共銀三十一萬八千四百二元九角三分三釐造具計算書據於六年一月七年四月內先後呈送鈞署所有局用雜費照詳定之案以一成二核計該支銀三萬八千二百八元三角五分二釐自四年七月分開辦起至六年六月止時逾兩載工事殷繁第因公款攸關所用員役均係隨時增減一切雜用亦必力戒虛糜並於六年七月間呈明暫爲結束藉資節省現計此項經費共用銀三萬八千四

元一角六釐視預算應支之數尙有減而無增理合分開計算書附屬表並將收據粘簿彙填收支對照總表具文呈送仰祈省長鑒核俯賜連同三次工料計算書據併案加轉再此項工程經費先後准財政廳撥發銀三十七萬元四年開浚寶山東塘之隨塘河計用工料銀八千六百七十六元五角一分七釐經費銀一千三元三角九分四釐係在石塘工款內動支前於五年十一月造送河工計算書據曾經隨文聲明故此彙同塘工用項填列收支對照總表內俾符原案又財政廳之款非一次撥到表內只載總數今按收款月日數目另開清摺附送以便查考

至結存銀三千八百八十六元五分撥歸伏戎兩段攔水
壩工用前已具呈在案應俟工竣另案造報合併陳明謹
呈民國八年一月十九日

收到財政廳撥款月日銀數摺

四年六月二十九日收銀五萬元

七月二十八日收銀二萬元

八月十一日收銀三萬元

十月二十八日收銀三萬元

十一月二十二日收銀二萬元

十二月十五日收銀二萬元

民國江南水利志 卷二

五年一月二十六日收銀三萬元

二月二十二日收銀五萬元

三月二十四日收銀三萬元

七月八日收銀二萬元

八月十八日收銀一萬元

九月二十四日收銀一萬元

十二月三十一日收銀二萬元

六年三月一日收銀一萬元

五月十九日收銀一萬元

十月十二日收銀一萬元

以上共收銀叁拾柒萬元

江蘇存記道尹田庚呈江蘇省長爲遵勘四邑塘工文呈爲遵令復勘寶太常松四邑海塘各工分別緩急情形開摺列表復請鑒核事竊奉省長令開案照江蘇海塘工程一案迭經本省長令飭滬海道尹江南水利局會勘並令行財政廳會同核擬辦法各在案茲據呈復將工程分別最險次險又次險等第列表繪圖請予核辦前來本省長查核所擬辦法尙屬周妥惟此項工程關係至爲重大自非遴派大員前往查照表列各處工程逐一復勘不足以昭慎重查有存記道尹田庚堪以派往爲此令委該道

尹卽便遵照攜帶奉發表圖尅日束裝前往各該處逐一復勘據實具復以憑核辦勿延等因並發圖一紙表四冊奉此道尹遵卽束裝先赴常熟太倉次赴松江寶山等處隨時帶同各該處駐塘委員按照奉發圖表逐細履勘以大較言之寶山東西兩塘地當江海之衝最爲險要太倉楊林劉河一帶常熟之澣浦松江四塘之第二三四等段與金浮等山對峙風潮激盪均爲被衝最甚之區今於原估險工之中區分等次亦自非易蓋海上風潮無定形勢隨之變遷道尹之愚惟有視塘身之完缺與距海之遠近及塘外有無餘灘樁石以別等差原表所列最急險各工

間有先辦搶險可顧目前亦有灘地尙寬暫可從緩又有原列次險幾經風浪險象加增不得不因時變通期於事實有濟仰副省長慎重海塘之意茲就道尹履勘所及寶山東塘愛字等號五段共長三百三丈西塘小沙背等處六段共長三百一丈五尺太倉劉河口南三段共長四百七十六丈常熟滸浦口禦潮壩等五段共長五百二丈二尺五寸松江西塘三段共長二百五十三丈三尺均現時最爲急險工段勢難稍緩擬請卽速興修照原估工程經費綜計需銀二十九萬三千餘元各段做法價額均於表內說明其餘四邑極險各工需銀九十四萬九千九百餘

元次險又次險各工需銀七十八萬一千餘元亦應分年擇要修築奉令前因理合將復勘情形開摺列表具文呈送並將附發圖表附繳仰祈省長鑒核施行實爲公便抑道尹更有陳者此次履勘四邑海塘工長欸鉅勢須次第籌修而其所以致此者實因歲久失修故至浸淫敗壞危險層出欲求善後經久之方則歲修之欸亟應預籌查前清末季尙有歲修專欸至民國此欸無着而各縣歲修空存此名間與久於海塘人員籌論歲修經費每年倘得二萬元的欸分布四邑略可敷用最好設一歲修總所附於水利局中派員專司其事常川梭巡四邑塘工遇有小損

飭處卽時會同分局歲修員隨報隨修周而復始無稍間斷則已修者旣得以保護未修者亦少可補苴所費無多所全實大且各工但能多支一年新工卽可少興一年暗中撙節亦復不貲管見所及敬備採擇謹呈八年 月 日

江南水利局總辦沈佺呈江蘇省長爲擬仿江北治運成案附收貨捐二成撥充水利經費請咨省議會文

呈爲擬仿江北治運成案附收貨捐二成撥充水利經費請賜鑒核咨交省議會議決施行事竊維江南河湖錯雜夙號水鄉其間脈絡貫通利害有相互之關係言治水者

民國江南水利志

卷二

三

欲興利必先除害而尤以籌款爲前提總辦前因派員疏浚吳松江約需工費二十餘萬元銀行收存各縣畝捐實不敷用又各部測量與工程之待辦者無一不需鉅款故於呈復奉令籌辦乙部測量案內請將吳縣等十邑征收水利經費繼續帶征三年實亦事非得已現在奉准辦理澱泖兩湖工程測量係因湖內最淤淺處容量小而宣洩滯一交梅汛水患可慮急則治標測竣卽須提前施工而丙部全部測完應辦之工尙不知凡幾目前吳淞江開浚工段僅最要工程其次要工程四千六百九十二丈一俟最要工竣後卽應續辦以竟全功祇就淞泖而言確數雖

不可知殆非一百餘萬元不辦此外省議會議決應辦測量各部如甲部之運河乙部之太湖丁部之陽城湖均須次第進測照丙部預算經費合計又需二十餘萬元竊思需款如是繁多前請續帶吳縣等十邑畝捐積三年計之亦不過四十餘萬元不敷仍鉅方今庫款支絀總辦所知惟應測應浚各工均關重要既乏點金之術難爲無米之炊職思其居何敢因噎廢食因查江北治運籌款成案由運河各釐局帶收貨捐二成江南如可仿行似亦不無裨益雖在江北祇以運河爲範圍江南港汊紛歧固無從劃分界限且以淞湖太湖運河澱山陽城等湖論俱屬幹流

巨浸其航路關繫江南全局非惟農田攸賴商賈亦便交通若淤淺不加浚治則農商交困一律疏浚深暢自利益之均沾管蠡之見擬仿江北籌款辦法將江南蘇松常鎮太五屬除崇明孤懸海外不計外其餘各處稅所概令附收貨捐二成隨同正稅解交省庫作爲水利經費專款存儲照江北成案以三年爲限庶幾工款有著水利可興理合具文呈請仰祈省長俯賜鑒核准予咨交江蘇省議會議決以利進行實爲公便謹呈民國八年三月九日

江蘇財政廳咨文一

爲咨會事本年四月二十五日奉省長指令貴局呈擬

仿江北治運成案附收貨捐二成撥充水利經費請咨省議會議決施行由奉指令呈悉仰財政廳核議具復並先咨該總辦知照此令原呈抄發等因到廳奉此查疏濬河湖原爲農商切要之圖惟民國六年經省議會議決帶征釐稅附捐百分之五以補預算之不足當因商情困難迭據甯蘇滬及通崇海泰等各商會紛紛電牘請免加征遂議先行公布俟察看情形另定施行時期再行通令照辦在案迄未定期實行是則已經省議會議決公布帶征之附捐尙難加收今若再行交議附收河工貨捐不免與前案抵觸即使議會議決值

此商困未蘇亦恐難以施行奉令前因除呈復外合就咨會貴局查照此咨四月三十日

江蘇財政廳咨文二

爲咨會事本年五月九日奉省長指令廳呈議復附收貨捐撥充水利經費由奉指令呈悉江南水利局前請帶徵貨捐一案既據呈稱商困未蘇難以施行應免置議仰卽錄咨江南水利局查照此令等因到廳奉此查此案前於具呈時業先咨會在案茲奉前因合再咨明貴局查照此咨五月十三日

江蘇財政廳廳長胡翔林江蘇滬海道道尹王賡延江南

水利局總辦沈佺呈江蘇省長爲海塘經費就地難籌
再懇轉呈先撥急險工費餘分五年撥修文

呈爲江南海塘經費就地難以設籌據實復請察核照轉
事案奉省長指令據存記道尹田庚查復會勘寶松常太
塘工開摺列表請示緣由奉令呈及表摺各件均悉查此
案前據江南水利局來呈以蘇省海塘年久失修時出險
工尤以寶山松江太倉常熟四處爲最請令行財政廳於
國庫支付預算案內歲列銀三十萬元以便遇險隨時修
築當以茲事重大經令據該管滬海道尹會同該局總辦
前往查勘具復仍呈請令廳照前數編列復以預算有一

定範圍令飭分別緩急覈實釐剔因未具覆又經令飭該
員前往上列各處逐一復勘各在案茲據該員表列復勘
各工經費共需銀二百萬元有零查中央財政萬分困難
告急之電日輒數起貿然轉呈無益於事且省庫異常支
絀斷難籌此巨款仍仰該道尹會同該局查照前令飭
就地設籌以期款集事舉一俟國家經濟活動仍當相機
轉呈併由該道尹錄令轉咨該委員暨財政廳知照此令
復勘表摺併發仍繳呈抄發等因到道咨會廳局同奉此
伏查寶山等縣海塘地當衝要總辦前因工長費鉅地方
無可籌集省庫又屬空虛故援浙省之案請編入國家預

算以備分年興修呈蒙令委道尹會勘又將各處險工區分極次繪圖列表經廳長會核具呈並奉遴派田道尹復勘是各塘險要情狀一再查復有案悉在洞鑒之中本年七八月之交颶風歷三晝夜實爲異常大災祇就寶山而言海塘受損已非一處雖經總辦呈奉省長撥款搶修又委程道尹蒞工勘驗第念搶險辦法僅可救護目前因欲正式興工鉅款難籌不得已爲此治標之計然即搶險經費並無的款廳庫亦頗費籌挪况海濱形勢容易變遷今年已與去年迥異值此大汛期內時起風潮險象日益加增如再不籌根本解決之方將來之所費恐有更甚於今

日者茲奉前因竊以海塘工費如可就地設籌廳長等分所應爲詎不樂於從事惟地方可籌之款計莫便於畝捐故上年十月內會呈議由地方分成擔任旋奉鈞署訓令以准省議會咨議決塘工應由國庫支給等因是欲照案繼續帶征難得地方同意卽經據實呈復此外籌款之法以本年五六月霪雨爲災江南被水縣分尙須籌辦工振更不易言地方之情形如此塘工之重要如彼既乏點金之術難爲無米之炊展轉籌思惟有再行仰懇省長轉呈中央查照田道尹復勘表列最爲急險各段所需工程經費二十九萬三千餘元先賜撥給俾便及早修築其餘極

次險各工擬請分五年撥款次第修理雖中央財政亦處困難第修塘所以衛民百姓之生命財產與國家之賦稅關係至爲密切且二百萬元工款爲數似鉅分撥較易彼此會商意見相同理合聯銜呈復並將奉發表摺附繳伏乞鈞鑒施行實爲公便謹呈民國八年十月一日

江南水利局總辦沈佺呈江蘇省長爲海塘急險工費懇再咨部如數撥現文

敬陳者竊江南寶山松江太倉常熟等縣濱海塘工經費一案前經呈蒙省長轉請中央將最急險工所需經費二十九萬餘元先行籌撥現奉訓令准財政部咨以塘工經

費本屬地方行政範圍此次蘇省興築海塘工程二十九萬爲數甚鉅中央財政支絀實屬無可騰挪應援照湖北修築潰隄經費辦法由本部發給兩年期無利國庫証券十萬元以資補助業經國務會議議決照辦其餘之款仍由本省就地自籌應用又奉令准財政部咨此項應發庫券十萬元業由本部照數填妥咨請備具印領來部具領各等因轉飭到局奉此伏念江南濱海塘工爲十數縣民命田廬之保障其關係重要實與黃河工程相埒似非鄂省隄工所可相提並論蘇省賦重甲於全國設此殘塘潰決人民之損失固屬不貲在國家不惟賦稅無收仍須籌

撥巨帑辦理工振恐耗費不止今日之所需者屢經省
議會提議應由國家擔任修費此外就地難於籌集情形
前已縷陳無俟贅述原請先撥最急險工費二十九萬三
千餘元實爲必不可少之數今奉撥發國庫證券十萬元
僅及三分之一支配已覺不敷且此項庫券在兩年期內
與不兌換之紙幣同卽欲爲借款之抵押品並無利息亦
不適用若論海塘險象刻刻可危轉瞬大汛又臨一遇風
潮難保不發生意外此猶振饑者非可以畫餅充饑也佥
籌思至再擬懇鈞座俯賜再咨大部將最急險工經費二
十九萬三千餘元如數撥發現款俾可及早修築其餘極

民國江南水利志

卷二

堯

次險各工並請分年撥發興修是否有當伏乞鈞示謹呈
民國九年三月十七日 江蘇省長公署指令呈悉已據
情咨請部院設籌矣一俟接准復文再行飭知此令民國
九年三月二十七日

水利經費之統計

九年六月底截數

武進盛氏捐二十萬圓支撥如左

白茆河工十三萬圓

用餘二萬四千八百二十
八元二角六釐撥劉河用

劉河六萬圓

吳江一萬圓

右共支出二十萬圓無存

吳縣田一百八十二萬餘畝

歲有豐歉熟田畝數因亦不一此照帶徵起始之年開列

下每畝帶征六分

定案二分三年統計即為六分

應十萬九千餘圓實收

十萬四千五百八十三圓九角六分七釐

該縣田地山蕩科則輕重懸殊且有免米徵銀之田非特按畝帶徵不免畸重畸輕之弊即按糧米帶徵亦不足以昭平允詳准援照舊案於忙內按兩帶徵仍合每畝二分之二數三年下忙每兩帶徵二角二分八釐四年至六年上忙均每兩帶徵二角四五兩年下忙均每兩帶徵二角二分三釐他縣之隨忙漕帶徵有按銀兩米石計者情形類此

崑山縣田一百十六萬餘畝每畝帶徵六分應六萬九千餘圓實收五萬三百三十七圓一角四分

該縣三二年分應徵之款詳准按照徵完熟田畝數在二年度縣附稅內提補四五兩年隨忙每兩帶徵二角

民國江南水利志

卷二

吳江縣田一百二十萬餘畝每畝帶徵六分應七萬二千

餘圓實收五萬一千九百六十四圓九角二分五釐

該縣自三二年至五年隨漕每石帶徵二角

太倉縣田八十三萬餘畝每畝帶徵六分應四萬九千餘

圓實收三萬二千七百四十二圓六角四分一釐

該縣自三二年至五年隨漕每石帶徵二角

嘉定縣田六十二萬九千餘畝每畝帶徵六分應三萬七

千餘圓實收三萬二千四百九十二圓七角七分八釐

該縣自三二年下忙至六年上忙隨忙每兩帶徵一角三分六釐

寶山縣田五十四萬八千餘畝每畝帶徵六分應三萬二

千餘圓實收三萬八百三十三圓九角七分五釐

該縣於四六兩年上下忙
四五兩年冬漕按畝帶徵

上海縣田六十七萬九千餘畝每畝帶徵六分應四萬餘

圓實收三萬八千二百九十圓四角八分九釐

該縣自四年下忙至七
年上忙隨忙按畝帶徵

青浦縣田七十二萬餘畝每畝帶徵六分應四萬三千餘

圓實收四萬一千八百四圓七分二釐

該縣徵糧田蕩自三年至五年隨漕折糧田蕩
自四年上忙至六年下忙隨忙均按畝帶徵

松江縣田九十四萬餘畝每畝帶徵六分應五萬六千餘

圓實收五萬三千三百二十五圓二角二分一釐

民國江南水利志 卷二

該縣自四年上忙至六
年下忙隨忙按畝帶徵

金山縣田三十五萬餘畝每畝帶徵六分應二萬一千餘

圓實收一萬六千五百四十四圓六角九分五釐

該縣於四五七等年
上下忙按畝帶徵

右十縣先後陸續報解共四十五萬二千四百二十九

圓九角三釐支撥如左

劉河四萬一千圓

用餘八百六十八圓三角二分一釐
撥崑山撈濬城河及太倉修橋之用

吳江濬湖三萬八千一百二十九圓五分五釐

補助吳江橋工一千圓

還財政廳借墊挖泥機船價一萬三千七百五十三圓

七角二分一釐

淞泖測量一萬九千四百五十九圓七角五分

財政廳借撥塘工四萬七千一百五十六圓六角六分

丙部測量五萬五千四百五十六圓

吳縣金雞湖隄工九千五百三十六圓有奇

吳縣覓渡橋河工一千五百七十一圓八角四分六釐

吳松江工程六萬六千圓

正在動工

修理挖泥機船三千五百圓

吳松江用添購機船一艘八千圓

澱泖工程測量三千九百三十三圓

民國江南水利志

卷二

三

訂購金司登丁種機船一艘三萬二千四百四十七圓

二角二分

泖湖用購機船一艘八千圓

泖湖工程一萬圓

正在動工

右共支出三十五萬八千九百四十四圓一角四分五

釐

查存各銀行九萬三千四百八十五圓七角五分八

釐

丹徒縣田六十一萬八千餘畝每年每畝二分應一萬二千餘圓自四年起共解過三萬四千八百二十六圓六角

五分一釐逕撥本境運河工用五千六百七十四圓五角九分九釐

該縣四年分係隨上忙按畝併收二分照額計算故較多於除歉應徵之數自五年分起皆分忙帶徵

丹陽縣田一百七萬餘畝每年每畝二分應二萬一千餘圓自四年起共解過六萬一千五百七十一圓一角六分六釐逕撥本境運河工用三千五百六十六圓四角一釐借撥開濬城河三千五百五十七圓六角四分七釐

該縣自四年上忙起分忙按畝帶徵

金壇縣田五十四萬餘畝每年每畝二分應一萬餘圓自四年起共解過三萬三千五百三十九圓三角五分二釐

民國江南水利志

卷二

三

該縣詳准自四年起隨忙每兩帶徵二角

溧陽縣田八十一萬餘畝每年每畝二分應一萬六千餘圓自四年起共解過六萬四千九百七十六圓五角五分二釐

該縣詳准自四年起併歸下忙銀內每兩帶徵六角六分七釐

宜興縣田九十二萬五千餘畝每畝帶徵一角
定案二一分五年統計
應九萬二千餘圓解過八百圓逕撥本境河工六萬

九千三百圓

該縣開濬百瀆各河詳准照吳縣等邑帶徵水利經費每年每畝二分以五年為限自三年下忙起隨忙每兩帶徵一角八分三釐六毫八絲至八年上忙屆滿

右五縣

內丹徒丹陽金壇溧陽四縣自四年起奉財政部飭辦二分款捐即援江北濱河各縣成例撥

充治河專款並協濟宣興工用

除由縣逕撥工款不列收支外先後陸

續報解共十九萬五千七百十三圓七角二分一釐支

撥如左

溧陽河工四萬二千圓

宜興河工二萬五千圓

籌辦徒陽運河二千三百九十七圓八角一釐

丹徒運河工程一萬一千六百六十七圓二角三釐

丹陽運河工程二萬圓用餘十五圓七角四分二釐六毫由河工局交存丹陽縣署

補助溧陽橋工二千圓

民國江南水利志

卷二

七

金壇河工六千圓

右共支出十萬九千六十五圓四釐

查存各銀行八萬六千六百四十八圓七角一分七

釐

江甯縣田九十餘萬畝每年每畝二分應一萬八千餘圓

自五年起共解過二萬二千四百三十五圓四角七分七

釐

該縣詳准舊上元縣境隨忙每兩帶徵二角四分江甯縣境每兩帶徵三角九分

高淳縣田三十八萬餘畝每年每畝二分應七千六百餘

圓自四年起共解過一百圓九角五分四釐逕撥本境河

工二萬一千四百九十七圓二角七分八釐

該縣詳准隨忙每兩帶徵二角五分四釐

句容縣田五十七萬餘畝每年每畝二分應一萬一千餘圓自五年起共解過三萬二千九百八十七圓一角五釐

該縣分忙按畝帶徵

溧水縣田三十六萬餘畝每年每畝二分應七千二百餘

圓無解

自五年起徵存之款呈准留縣逕撥本境濬河工用未據報數

該縣詳准隨忙每兩帶徵二角二分一釐

右五縣

均自四年起辦二分畝捐奉准從五年分爲始除在六年三月一日以前已解國庫者外截撥

地方水利專款

除由縣逕撥工款不列收支外先後陸續報解

民國江南水利志

卷二

七

共五萬五千五百二十三圓五角三分六釐支撥如左

赤山湖秦淮河測量二千九百七十四圓

右共支出二千九百七十四圓

查存各銀行五萬二千五百四十九圓五角三分六

釐

海塘經費之統計

九年六月底截數

吳縣

會議時照各縣官紳當場書定田數按畝攤徵二分適符認額畝數已見前篇者不重出下同

實收

三萬六百七十三圓三分

常熟縣田一百二十餘萬畝應徵之數於縣附稅內分年

籌補實收二千圓

崑山縣實收一萬九千五百五圓八角四分三釐

吳江縣實收五千圓

上海縣實收一萬八百四十七圓九角一分二釐

松江縣實收一萬九百圓

青浦縣實收二萬六十四圓二角五分二釐

奉賢縣田五十餘萬畝實收四千圓

金山縣無收

南匯縣田一百十餘萬畝

嗣據報明係連蘆竈併計在內

實收一萬六百

六十八圓五角

川沙縣田十八萬畝

嗣據報明當時紳董會議誤將田數多報十萬畝故照數縮除

實收

民國江南水利志

卷二

美

三千五百三十四圓六角九分九釐

太倉縣實收九千五百六圓三角八分八釐

嘉定縣實收九千八百五十一圓二角七分五釐

寶山縣實收一萬一千圓

右十四縣共收十四萬七千五百五十一圓八角九分

九釐支撥如左

寶山塘工四萬一千九百七十五圓六角二釐

寶山塘工搶險三萬圓

財政廳提還墊發寶山塘工四萬圓

右共支出十一萬一千九百七十五圓六角二釐

查存各銀行三萬五千五百七十六圓二角九分七釐

財政廳四年六月起七年十一月止二十二次共撥寶山塘工四十三萬九千圓支用如左

開濬東塘隨塘河九千七百六圓九角一分一釐

第一次修竣東塘愛育戎羗遐等段二百四十八丈六尺西塘牛頭涇二百二十五丈共險工七段工料十萬三千六百五十七圓四角九分六釐

第二次修竣東塘育黎首伏等段二百四十五丈七尺西塘張家宅薛家灘等段三百三丈四尺共險工八段

民國江南水利志

卷二

七

工料七萬三百六圓七釐

第三次修竣東塘育黎伏戎等段二百八十九丈五尺西塘陳華浜顧隆墩等段一百丈又伏字段水門汀工程一百四十三丈共七段工料十四萬四千四百三十九圓四角三分

四年七月至六年六月督修東西塘工程局用三萬八千四圓一角六釐

第四次修竣東塘伏戎字段攔水壩二百六十五丈五尺又臣戎等段一百四十七丈共三段工料七萬二千一百九十九圓五分五釐

六年十月至八年二月督修東塘工程局用八千六百六十二圓五角九分七釐

右共支用四十四萬六千九百七十五圓六角二釐以收抵支不敷七千九百七十五圓六角二釐由財政廳於八年十一月找撥